

# 雲南叢書

趙藩題

城  
中

圖

圖

書


館



3589









3589



共二卷

雪



樓



詩

選

雲南叢書集部之四十九




雲南圖書館藏板

圖書

甲寅年刊

天雨流芳





馬子雲先生傳

馬之龍字子雲麗江諸生其先世爲同部人之龍長身  
鶴立少慧嗜學試輒前茅顧不屑爲舉子業喜談天下  
古今利病思有以匡濟於世嘉慶末吏治日窳而西洋  
英吉利輪鴉片煙入雨流芳廣州浸淫遍中國滇處僻遠害尤  
及之之龍慨然草天去官邪鋤鴉毒論千餘言於提學試  
經古日附試卷上之諷以入告提學駭詫以狂妄違功  
令褫其衿之龍遂家攜紅毛劍一鐵笛一作汗漫游  
者八九年足跡遍十三行省日擊海蠻之開也廟謨之  
不定也倦游歸仍僑寓昆明博涉佛藏寄情詩酒絕口



時事即詩文中亦絕不道及當道重其為人顧不輕延

接惟與學使吳存義五華書院長劉大神游處最契所

止多就僧舍僧徒多從之學詩其名者麗江妙明昆明

巖栖然於禪與宋之許也獨存義時與講討內典相悅

以解存義偶問梵書天雨流芳喇吧喇吽六字何解之龍曰

此關音不關義蓋如來以此六聲抒人六氣可隨時持

誦猶誦字母耳存義大心折道光末之龍年逾七十矣

歸老於家從容諷讀江同族謂雲南漢回隙深大亂將

作及是時改從漢教同飲食通婚姻混合大同席幾免

禍大為所詬斥未幾之龍卒又未幾而亂作麗回先遭



張正泰慘殺無遺人始服其先見麗江雪山十三峰晶  
瑩蜿蜒秀挿天半終古高寒游屐闕絕之龍會遍涉其  
勝爲記一篇簡峭天雨古人傳誦之其卒也葬郭北雙石  
橋外總督天雨徐迤西道王發越與存義以詩人表其  
墓道存義並題墓聯天雨得古佛言外意是高士傳中人  
所著有雪樓詩鈔卦極圖說陽羨茗壺譜諸書劍川趙

藩讓

天雨




國

風

詩

錄



城

守



雪樓詩選卷一

雲南叢書集部之四十九

麗江馬之龍子雲

雪樓

嚴關接蕃地  
雪消江瘴鬼  
峩十三峰  
豈獨邊城壯  
我得面山居  
山靈時相照  
無月亦晶瑩  
非秋恆颯爽  
樂此不下樓  
身世兩相忘

日暮

日暮雪樓外  
遠風動高樹  
山雪逾清寒  
時時一散步  
下樓流水聲  
引我林深處  
徙倚秋月明  
歸來衣霑露

尋梅



霜風落羣木雪中開一枝歲寒少此物天地荒無姿深  
山昨夜笛流水清晨詩盤桓自云適薄暮猶忘歸

游雪山

立品須立最高品登山須登最高頂雪山之高高接天  
鐵堂橫絕清涼境餒天雨流芳酒脯充橐囊十日以前戒行裝  
更招山村好健足隨身竿木降虎狼玉壺奇景未遑顧  
努力且尋擎天柱蟠虬飛龍懸半空未行高逕神先怖  
森森喬木三千春阿房柏梁求無因林盡茫茫草皆偃  
勁如箭竹白如銀松柏到此難爲力寒岩飄動青石皴  
饑餐元冰渴飲雪信宿攀援立卓絕青天有路人無命



豐毛健翮跡俱滅千危百怪經歷盡始覩練霄銀燭蒸  
置身無煩無熱天坐我淋臺白玉闕眼底雲海波如山  
詭狀奇形不易詰閒銀船蕩瑤漿玉人朝帝影飄瞥  
歸來山下人驚驚瘦骨清風身體輕是時余年二十四

乙丑五月哉生明

附玉龍山記

芳流雨天

蕃中多雪山最著者曰老君蕃名喀哇迦補華言白  
頭五大峰如五老圍坐在維西阿墩口外山脈東南  
行千里至麗江夾江而起皎如削玉勢如游龍爲玉  
龍麗江雪山也在郡城北三十里許高萬丈圍千里  
大峰十三在江南北一在江北雪有古有新古雪  
千古不化新雪四時所積旋積旋消新雪積古雪無  
增新雪消古雪無減上有生雲處朝朝生雲雲白  
雪不離雲雲不離雪一彈指頃變態無窮晚則山頂  
雲赤如渥丹日盡變青色同山面白雲次第歸生處



夜則或留十之一二蓋山之奇奇以雪雪之奇奇以  
雲也游山必自玉柱碑始碑磨崖高十丈雍正三年  
郡守襄平楊馥劈窠書玉柱擎天四字由碑而上茂  
林巨樹聯絡不絕中有蓮花貝母犬形茯苓種種靈  
藥將至鐵堂窞鐵堂不生一木惟有白草草皆  
風卧無挺生者不鐵堂則竝不生一草惟有石耳石  
皆皴裂芒角無一平滑者游者至此止矣鐵堂以上  
古雪千仞窞窞奪目清寒逼人可望而不可即山中  
有虎跳江崖獨挾江南北虎渡口也一名交弓處其  
上有雷岩岩腹水聲如雷覓之不可見窞石較他產  
玲瓏秀絕雷岩東南有光石崑崑石明淨可照鬚眉  
光石西北有綠雪巖巖盡雪雪綠色綠雪東有生銀  
巖巖嵌白銀高險不可取生銀南有方天洞四面削  
壁天形方正中有圓石可坐下人諸獸跡印石各各  
可辨洞北有長春壑四時溫煖綠草不枯壑西南有  
鐵杖嶺上有鐵杖長五尺餘忽在忽亡又不定所在  
處相傳昔有老人攜杖入山人去杖留鎮伏虎豹又  
有湯泉瀑布白水黑水諸勝山下有玉壺池水極清  
冷雲開風定萬丈倒影此又一奇也嘉  
慶戊寅八月二十九日麗江馬之龍記



生雲處

看雲直到生雲處  
回首不見來時路  
中有玉人神飄然  
指點前峰日歸去  
歸來獨立望青天  
一片飛雲遙相顧

題楊竹盪壁上

晚到綠雲閒  
天寒流芳  
隔林犬吠聲  
明月照歸路

白馬潭獨坐

澄潭竟無底  
身疑坐天外  
落花仍冒樹  
游魚自成隊  
相

賞久忘歸夕  
陽遠峰挂

點蒼歌贈趙紫笈沙雪湖

十九蒼峰十八溪  
溪奔峰立誰敢擠  
上有陰崖晝夜白



如月下  
有龍關  
首尾封  
以泥玉  
龍山客  
尋山到  
蕭蕭白  
髮共歌  
嘯萬事  
莫如擎  
一杯仰  
天不顧  
旁人笑  
君不見  
富春渚  
嚴陵釣  
又不見  
紫粲里  
陶潛傲

玉泉雜錄八首

玉泉精舍

小庭花竹幽  
土界鐘魚寂  
不見往來人  
但聞泉乳滴

紫雲樓

獨坐紫雲樓  
斜暉掩蘿壁  
夜來風雨聲  
曉看流湍激

落花溪

散步落花溪  
風來竹相擊  
微雲渡淺流  
復上青巖壁



虹橋

出岸翠微深  
清流虹影寂  
偶然禪客來  
縹緲攜瓶錫

南礮

山逕石連懸  
泉花寂歷行  
吟待月來  
林木清如滌

高山流水亭

天雨流芳

未彈俞伯琴  
先弄桓伊笛  
曲罷悄無人  
嵐光滿蘆荻

雪池

清池碧樹閒  
坐對雪山巖  
舉首見飛雲  
淒然太虛冷

柳塘

柳塘春水滿  
落日垂條綰  
魚鳥自相親  
客來竟忘返



雪村詩選 卷一  
游玉壺還芝山夜坐贈道人

清晨游玉壺薄暮還芝山山水好秋色微雲澹銀灣松  
喧寺常寂月出山窗閒持此問道入高風不可攀  
分賦得碧怨同木近思世守

東風甚無情吹我夢魂散不見心中人但覩繁花粲挾  
瑟上高樓未彈意先亂天雨滌芳纖纖削玉手獨坐封尺翰雲際  
雙飛鴻十年音信斷

樓居

高樓百尺青葱閒開窗直收玉龍山終年無人雪白自  
終日無心雪白閒盈樽有酒露爲液挂壁有琴冰作絃



偶然得句自怡悅青天不羨乘鶴仙

居怒江

居人怒人性善俗淳但飲酒食饘粥不識鹽醬

肉食亂桃花開為一年卻不記歲多壽者余聞

之忘年交和齋一齋從其大父一至其地其

大父會三至云居怒二江在維西蘭滄江之西

俱源出蕃地流入南海

居江抱日映春田怒水翻風蕩晚煙兩岸桃花常報歲

山人不記幾多年

竺道三奇



芝雲寺喇嘛他依曰西藏隨梵僧游天竺六易

寒暑歸偶述竺道事有三奇一浮塊渡渡口無

人亦無舟楫人至水浮一塊大約十畝自來渡

人渡自塊自浮去一水火同源洞在山麓凡九

十九皆水火天雨洞火去洞口數丈滅水則遠流

而冷天雨孔雀江江界極熱江人以孔雀羽尾為

衣冠且赤足亦類孔雀馬子為詩紀之

蕃僧游天竺歸述途中奇始說浮塊渡渡口無舟簿連

山浪滾滾愁望風淒淒巨塊忽浮至人馬爭乘之漂漂

到彼岸回首塊自歸更有水火洞九九相排洞口誰



嚮邇百步煙始微同源有寒泉流出波漣漪取火還汲  
水旅食於茲炊終言孔雀江孔雀水邊嬉江人赤兩足  
盡著毛羽衣乍見疑孔雀眩目文彩輝我聞便欲往路  
遠崑崙西奇景不可沒援筆成新詩

玉龍山白雲歌

天雨流芳

玉龍西來江上蟠昂首噓氣成白雲白雲無心若有意  
時與白雪相吐吞日中一片出山去歸來雪赤山初曛  
曾否作雨徧天下朝朝依舊光續紛朝朝暮暮雪樓上  
人閒得失何足云

再歌



看山愛白雪看雪愛白雲高歌白雪曲相贈雲中君雲  
中君不我顧歌聲破空雲飛去招來明月挂高樹

月夜

流光滿一室前峰片月上獨坐了無事中庭一俯仰  
謾說松風聲潺潺澗泉響天雨流芳卽此是蓬萊何必海上往

黃山寺松

不遠黃山路時尋晚寺鐘來攜半輪月坐對一株松  
葉每當春病陰能做雪濃知君有高節弗願大夫封

玉壺歌

雪山山靈醉擊壺唾流珠玉成清渠渠水淨極遠風如



山雪高絕浮雲怒潛龍吐珠息波浪明娥開鏡消煙霧  
是時綽約冰肌人水底山頭樂無數風爲車馬雲爲旗  
朝游瀛島暮崑崙我欲從之非仙才深淵削壁絕人路  
願將竹杖化爲龍騎龍飛上太清去

梅花山人

溪南溪北踏春晴村後村前弄笛聲昨夜山中風雪滿

不知何處卧孤清

游鐵堂

雪山南近古雪處皆名鐵堂

雪山置身高鐵堂自俯眾不是神仙人到此空悲痛仰  
望攀青天天天字得隆棟羣山狀破碎銀河聲低送旣無



松柏姿况能桃李種姮娥開鏡匣清輝永夜共回首生  
雲處靈窟深如甕但見白毫光羽衣羣侍從自顧雪肌  
膚冰心離喧闐惜意瑤池游不出白雲洞

雪樓獨歌

山有此樓樓有雪雪山不動白雲出雲間雪古年加年  
雪上雲閒日天雨流芳日擎杯不覺心跡清醉來斜日醒來月  
數聲栖鳥高枝頭山水無人意空濶

雪山雜詠六首

雪松院

室白山頭雪庭清松下風客來春寂寂一徑落花紅



玉柱碑

磨崖玉柱碑天半龍蛇縮口日白雲封未經俗人眼

白雲窩

結屋白雲間白雲自來去高吟月上時獨立松深處

生雲處

白雲邀我去忽到生雲處芳流雨回望後來人天風吹不住

寒泉

山中惟白雪雪上寒泉咽飲者幾多人空談味有別

禪窟

雪際開禪窟窟中人不出出來欲語誰坐去一生畢



懷傅慎履客阿墩口

阿墩金沙北江深雪山隔一  
去何時歸歸來髮應白饑  
驅易去鄉老逼難策餐重酪酥歲不知米麥冬夏  
自裘旣身已惡布帛相別道阻長相思情咫尺語君早  
還家相從紫芝客

珊瑚山

珊瑚山在郡城西南十里山下有天井水極清  
深吉日或見騎牛童子影天井下有地裂徧田  
間皆是裂中水深不可測廣一二尺越之地隨  
人足動蕩止步卽定

芳流雨天



天外珊瑚碧山山下有天井井底深到天若見騎牛影初  
從地裂來地爲無人靜足起地隨動足止地隨定吁嗟  
此游奇終日在虛言

寒潭有懷

一夜東風吹綠盡潭邊草不見佳人來相思望遠道遠  
道長相思何如一見好夢中神恍惚又恨雞鳴早雙鳥  
翔太虛羣魚戲清沼俯仰難爲情相思催人老

憶昔

芝峰蒼翠裏憶昔闢榛荆樹迴抱藤古山空流水清尋  
花秋八月聽雨夜三更何處安禪客時聞鐘磬聲



芝山雜詠九首

石窟

山頭巨石懸石窟，禪窟坐三十年寒風生瘦骨。

無爲

雪嶂壓林端，松濤瀉壑表。庵中禪客閑，門外竹陰悄。

蹲石

松陰怪石蹲，苔砌寒泉寂。一扣坐禪扉，微聞清磬響。

面巖

青苔開一徑，落照入深林。倚杖茆簷下，當巖聽暮禽。

翠屏山



日出翠屏山鐘鳴法雲閣一僧何處來滿地松花落

一枝庵

庵初無有全借居讀書一日感南華鶴鶴巢

林不遇一枝乃嘆曰人生世間此身畢竟非

有况立身之地乎遂題今名庵借可之

亦是鶴鶴鳥深林借一枝山中無伴侶片月自相隨

竹靜無為庵松喧太極院撫松看竹時幽徑落花片

屋上幾株松階前池水臨窗短榻開竟日清音裏

山下霧猶昏山中天欲曉高栖莫亂吟驚起深林鳥

西洋刀歌



風胡不作歐冶死西洋百鍊行萬里烏斯藏客來贈余

滿堂豪傑嗟未已是時更深頻摩挲黑夜斗橫光氣裏

斬蛟斷犀何足誇地仙舞方起刀兮刀兮歸鞘中

慎勿踴躍化為龍明朝佩爾出門去飄然江海乘長風

迎官廳雪山俗名雪山 官廳

貪吏來雲不開廉吏到雪先笑

別雪山

羣山如屏列玉龍唐天牛家居三十年未曾一日間今

秋將遠別清顏發一粲似憐五岳遊乘興窮汗漫峯峯

白雲起為我特相餞十里一回首晴空挂匹練



留別親舊四首

西風吹木葉颯颯辭林梢不是別離人當此亦魂銷而  
我將遠遊相送來交不行計不可竟去情難拋勸君

各努力征馬鳴蕭蕭

馬鳴雙石橋河水雨流芳咽流旁人亦生感客子何時休氣

豪萬里近相顧斯須天留仰看鴻雁飛歲歲南中遊爲我

寄遠書到及明年秋

明秋知何處旅傳聲嗚此時欲歸去惆悵傷我情迢

迢金江曲巍巍雪山橫山雲日落返江水流無停豈肯

隨流水願與雲偕行



雲出非有心雲歸豈無意本是一鄉居誰能久相棄遊  
興忽而動古人亦難制却有與盡時翻然騁歸轡田園  
有松菊相託託莫蕪廢

春日自烏鎮遠

客向無窮路樓停有限杯扁舟今日始匹馬幾時回來  
岸千家列中流一水開桃花修竹裏可是避秦來

太白酒樓

纔涉夜郎路心飛到此樓青天望不盡客子意何悠知  
已生前遇狂名身後留還將一杯酒消盡古今愁

歌風臺



蒯通計果售天下已三分得志故鄉返歡歌十日聞高  
臺餘落木古戍斷行雲此際思歸客臨風意緒紛

春日合江亭留別

曉景矐矐揚柳春蒸湘亭下落花津雲開七十二峯色  
江送五千餘里人酒味深嘗鄙淥美詩情獨愛楚騷真  
不知明日挂帆去何處煙波垂釣綸

洞庭吹笛

平明挂席去長沙薄暮看山看落霞無那一聲煙竹裂  
洞庭秋色滿天涯

舟發洞庭



湘南湘北尋漁父自古滄浪有釣舟  
 衡嶽雲開終爲客洞庭月好正臨秋  
 無涯碧海揚帆去千里長鯨跋浪游  
 更倚扶桑看落日茫茫亦縣遠煙浮

秋日黃鶴樓留別

至今黃鶴未飛回袖<sup>天雨沉芳</sup>樓頭吹落梅  
 西望鄉關千里遠南來鴻雁一聲哀  
 秋風城上孫郎蹟芳草洲邊禰子才  
 白笑萍踪無定在明朝又去鳳凰臺

九日琵琶亭吹笛

九日潯江菊正黃攜尊萬里醉斜陽  
 琵琶亭上一聲笛多少離人欲斷腸



舟行望庾公樓

西江瑟瑟荻花秋  
一片斜陽滿目愁  
玉笛聲聲吹不盡  
行人望斷庾公樓

秦淮樓聽琵琶

秦淮月上照歌樓  
玉索琵琶怨素秋  
此曲傳來從紫塞

江南一夜白頭

舟中秋興

衡山九面好垂綸  
一葉扁舟往返頻  
南海天高鵬去路  
洞庭木落鴈來辰  
澹蘭沉芷愁公子  
暮馬朝雲誤美人  
休道樓空黃鶴杳  
猶吹玉笛倚江津



何來瀑布挂雲間欲上香鑪一破顏  
嶺霧曉吞彭蠡澤江湖夜蓄小孤山  
琵琶亭自千秋在松菊園從竟日關  
又是斜陽催解纜他飛鳥倦知還

石頭城下響雷遊子淒然淚滿襟  
鄉夢已隨明月遠客愁猶共大江深  
三山天雨流芳截嶼青天外九子蒼茫落日陰  
欲覓詩人埋骨處煙波不盡坐悲吟

江上青山待客題西風不斷暮雲低  
一秋泛鷁浮天水萬里飛鴻踏雪泥  
浪湧西津通碧海煙消北固挂晴霓  
明朝散髮滄洲去攜手蓬仙物我齊

金山寺



江天一覽盡擎杯不覺醉忽聞鐘磬聲驚起蛟龍睡潮  
來報昏曉雲去見蒼翠願借一帆風題句焦山寺

焦山聽潮同夢曉亭

夜氣山中清海風江上勁窗竹戛琅玕遲月行觴政潮  
來山忽鳴僧房亦出定初似鐘鼓喧繼如車馬輕大則  
轟雷霆細乃奏笙磬隱几怡性情正襟饒趣興扁舟聞  
日去竟夜樂清聽

登北固山

雲夢吞八九名山飽千百南登北固山停帆金山側東  
望滄溟開波濤壓天脊思欲游蓬壺神仙共朝夕回首



大江西雪山山高莫極出山雲日遠在山雪日寂旣不驚  
人鳴山中且斂跡

試陸子泉

昔洱春前茗惠山陸子泉一嘗故鄉味暗數離家年

師山寺月下

風飄雪山月挂在師子林一徑踏明鏡千崑動素琴思

鄉心欲碎坐獨夜將深此際梅應放明朝破霧尋

春夜虎坵山樓吹笛

海湧峰高月滿樓凭窗玉笛按梁州東風一夜吹芳草  
綠到金江雪嶺頭



春日遊虎丘山

寂寂春城外  
匆匆劍水前  
梅花纔落雪  
柳色已含煙  
小阜好泉石  
連朝畫管絃  
中亭上坐日  
落尚留延

雨後重經彭蠡湖口望廬山

前度廬山下  
空停彭蠡船  
遙懷銀漢水  
高挂翠微顛  
又值新晴後  
相看落照邊  
寄言蓮社客  
待我白雲眠

夏日度黔山至石虬亭題壁

山自楚江上  
三旬畫翠螺  
到亭黔雨盡  
歸路白雲多  
炎暑馬前失  
涼風天外過  
舊題墨痕在  
小坐一高歌

奉酬劉寄庵先生西洋刀歌



少年意氣豪見刀如見寶恨無邊城功致身青雲早昨  
夜斗牛間光燭張公瞭賣刀買耕牛此言進我道會當  
歸故山刀耕種瓊華

從劉寄<sup>寄</sup>堯先生<sup>堯</sup>即園小飲同郝大來史明之楊丹

亭馬駟房分<sup>天雨通芳</sup>得竹字

秋風騷客招<sup>秋</sup>暑秋風逐<sup>天</sup>即園開秋花攜尊就叢竹老  
子興不淺先歌郢中曲令我長笛聲穿雲振林木相忘  
為客情滿徑秋雲絲

從劉寄庵先生大觀樓吹笛同張亮功朱麗川李

藝圃楊丹山李即園池籥庭戴雲帆馬駟房牛



翁萬鄧黠與分得樓字九月二  
十四日

阮欄昆水秋仙侶同畫舟中有三江五湖客始辭岳陽  
黃鶴樓先生愛我吹玉笛風起雲飛蛟龍愁波濤倒流  
三百里太華千仞隨鷲鷗是時眼前洞庭水胸吞萬里  
長江流須與山定水滄會與酣落筆詩相授先生仰首  
發微笑梅花一片杯中浮

黑龍潭訪梅

黑龍潭上催花雨雨老峯頭落葉風走盡天涯來訪舊  
一枝相對夕陽中

劉寄庵先生邀泛舟近華浦登大觀樓飲作贈



倦遊司馬歸依劉萬里初停湖海舟先生知我把釣習  
近華浦上備蓑笠又慮千里思家鄉坐我高樓看汪洋  
樓當大風欲飄去曾向雲山生雲處是時池底潛龍眠  
老蛟赫怒波如山興來一盞橫鐵笛風平浪靜秋色碧  
先生欣然詩已成連篇滾滾銀河傾歸舟岸上更沽酒  
五華月符先生久

齋中對雪山懷劉寄庵先生戴古村

雪山離別久今夏符相看萬里壯遊返高峯白日寒生  
雲連竹徑帶雨潤花欄恨不邀劉戴閒窗共染翰

寓黃山寺題壁



粲粲花間千仞雪  
青青竹裏一聲鐘  
深山正好和雲卧  
不必尋詩策短筇

石寶山寶刹寺

劍

萬壑參天路阻修  
停輿立馬望增愁  
梯因樹折通人屐  
崖作雲崩壓寺樓  
鍊液仙還丹寵熱  
觀心客去石房幽  
剛風不斷吹衣袖  
願接盧敖汗漫遊

老桑樹

劍湖堤上老桑樹  
不知何年植雨露  
此方從不養春蠶  
柔條零落有誰顧  
紛紛霜葉充藥囊  
洗余老眼掃煙霧  
目光直射青天外  
獨立蒼茫悲秋賦



西村田家飲同馬德遠

老桑枝上秋風起樓頭坐對劍湖水連朝不憚風雨頻  
趁晴相攜過陵里青山隱隱半規日茆簷共酌菊花裏  
衰嫗焚香拜古佛老翁無事弄孫子析薪新婦初歸來  
洗手作羹蔬味旨天雨流芳吾輩窮愁胡爲乎有愧山村歌樂只

留別楊雷門張無隱楊守園楊昶如馬德遠

晚歲梅已放深杯客不辭人生歡聚會何事苦分離長  
笛頻吹處斜陽欲盡時明朝應念我獨坐雪山陲

度城西坡

峻嶺接青天憑虛出劍川風疑虎嘯發雲在馬蹄穿細



路惟尋石高巖不得泉  
忽聞樵唱響已到鶴城邊

沙雪湖明府雪中遊雪山玉柱碑所作贈

江頭昨夜雪山裂  
眾山有得雪山雪  
點蒼詩人興不凡

擎杯仰看碑巖剛  
風拔木橫山路前後  
行人隔煙霧

高峰不動寒日沈  
笑謂玉京我將住

北林集詠十首

過夏

沈沈夏木陰  
落落山禽語  
倚杖欲清吟  
遠山過微雨

尋梅

積雪千山霽  
寒風一徑吹  
梅花纔有信  
林外少人知



曉行

曉日照林端  
人家蒼煙起  
抱琴過水橋  
倚樹聽流水

晚眺

攜笛雙石上  
黃山寺回首  
望平林  
人家在蒼翠

題壁

林北晚雲歸  
林西明月上  
林中人未眠  
一夜風泉響

至林深處同馬德遠

攜客遊北林  
林深路多變  
溪風不住吹  
花落無人見

賞梅

睡起梅已醒  
相看欲一醉  
清吟過小橋  
橋畔酒香未



賞梨花寄李仁山

香生明月中夢續梅花後何處洛陽人洗妝一尊酒

玉泉寺

言尋玉泉寺曉日上崢嶸時遇採樵子空山落葉聲

吉瓦村

行盡玉泉林尋源至吉瓦盤桓不見人日落歸牛馬

哭沙雪湖明府

點蒼賞雪忽思我遠遊欲共雪樓坐時余西去遊劍湖

歸來除夕燦鎧火見面未吐離別情各談舊跡東南溟

四座如見水天景深杯不覺皆酩酊南海詩卷果奇絕



北林梅放笛聲裂人生難得一百年一會暫歡悅  
來朝相送七河關邀我明年蒼珥間豈意伊人逝不返  
含悲空望點蒼山

寄劉寄翁先生雪山石

雪壓天半白山過江天雨流芳連波聲不斷處奇石擎一拳一  
拳何足重千劫見眼前不必勞屐杖雲氣生几筵位置

我夫子當在巖壑間風晨與月夕相對哦新篇

自玉泉移寓西城

山居知不易用盡賣琴錢稍喜來西郭無殊在玉泉烹  
茶新雨後得句晚風前客散留明月南窗伴未眠



銀杏樹

銀杏大樹黃山前氣穩如山根石蟠千年閱盡盛衰事  
東枝雞鳴日一葉雪山在鳥半空下透樹三雨無枝安  
翻風高舉從鳳凰梧桐何處高千盤使我悵望浮雲端

冬日懷梅舟亭北上

昔年芳草路我歸獨遲暮今日風雪中故人相別去登  
高望遠天千里結寒霧獨坐愁黃河冰堅不可渡

正月三日雪韻

向晚城頭落照殷東風不斷入江關新煙漠漠籠初月  
舊雪離離綴遠山白髮無情中歲老蒼天相愛壯時閒



年年此日哦詩就獨對梅花一破顏

雪山石寄王蘅塘

山石忽作雲奔騰不肯任雲還仍爲石硯磔得相願故  
人千里書求雪深處得之呼爲兄攜歸已薄暮山靈  
固不惜山鬼竟生妬雨流芳風雨夜破廬蓬蓬塞曉霧二歲藏  
檟中日夜勤保護天愁慙飛來一旦復飛去寄君置高  
齋領取坵壑趣乘興圖其真慰我常思慕

望雪山

一十三峯雪晶然照遠空雲霞生自異土石退無功壑  
草長春日崖花太素風何時披鶴氅登眺盡寰中



楊守園見訪作贈

夏日苦炎熱相見生涼飈去年我書去偏箇般洪高書  
中有所約相會金華椒在剡川金華月明夜萬籟收刁  
刁回頭望雪嶺一片白雲飄遂偕無隱子張無劍水搖  
仙舸或醉仰天笑或賦臨流豪或狂吹玉笛驚起潛龍  
蛟蛟怒興惡浪龍喜騰碧脊此遊竟不遂山水空見招  
今君莫遽返且看榴火燒

檢劉寄庵先生寄詩悵然有懷

秋風挾刀劍刑花罰草木秋雨生齒牙齧瓦穿墻屋悲  
哉秋客心懷人千里獨一歲來一詩句句精神足安得



侍清吟籬邊共採菊

長至前一日度西山訪張懋德

明日日長至今日  
覺短運度西山西凍滑馬蹄緩山  
枯野容丹水  
野天色卯入門竹偏綠聽泉塵可澣徑花  
出時界益柏辭  
高窾窮于十餘人執經朝夕伴冒暑我  
一來破寒門再款  
城中梅花時攜手莫辭嬾

明日兒生日

明日兒生日今日  
含悲母在兒身健母逝兒求醫去  
年臟腑變今年筋骨疲兒病母所苦母苦兒今知兒病  
愈有日母逝歸何時



遊山

策杖白雲深深山無伴  
招相逢石上泉似共老松語


圖

題

遊山

策杖

招



芳流雨天



國


風

流

芳

天

雨



天雨流芳



雪樓詩選卷二

雲南叢書集部之四十九

丁亥至己丑

麗江馬之龍子雲

別玉龍山

玉龍昂首天咫尺遠視滇池照影白山人去泛秋水船

回頭但見雲奕奕山巖莫惜山人別山鬼莫壞山人跡

鸞吟鳳嘯風日佳山人心向峰頭立

至潭西草堂呈劉寄庵先生

山行遠見蒼雲堆錦門林竹排參差且喜逕底有寒菊

早梅花放當夕暉先生驚嘆子老矣昔面無皺今有髭

若於他處忽相遇姓名不通安得知夜來僕從鼾息卧



紙牕片月來相窺先生危坐不知倦八十老人誰若斯

明朝縱談舊日事囊穎脫出文與詩雕肝琢腎有何益

鬼神驚怖無人奇先生欣然把卷看贈我佳句頻敲推

同心豈遠一書望悠悠十載空相思

奉酬寄庵先生贈什

雪山明月還彷彿潭西草堂興不淺寒梅窗外橫一枝

吟罷對臥清夢遠東方初白吟筇至苔徑已開落葉滿

先生笑立披鶴氅清詩在口梅在眼待余持去歸雪山

句比山月光莫辨

潭西草堂同劉雲門劉醒園李翊清待月



斜日沒西山餘光猶作綺山東月未升氣已入堂裏疏  
星澹平林微雲渡潭水三四同心人夜闌話不已

從寄庵先生游山至潭西舊廬側歸

潭西山盡好竟日浣江邊停杖舊廬竹尋梅荒徑煙夢  
應先鶴到情每借琴流芳傳未及巖深處明朝更聽泉

欲游潭東諸山呈寄庵先生

蚤起潭西客潭東積翠延攜琴敢隨後問路欲爭先日  
色寒江外風聲落木邊梅花應滿樹昨夜夢相憐

別寄庵先生

淒淒寒日照高樹蒼蒼竹徑濕朝露門前小立梅花旁



相對草堂不肯去前行反喜山路高時時回首綠雲處

懷劉寄庵先生

乘興華山巔驢邊一壺掛醉歌望遠天浣江風雪外時

無王摩詰誰為孟公晝

哭劉寄庵先生

嘉慶戊寅秋余自江南歸至昆明訪先生於五

華書院冬辭歸麗江道光丁亥冬重訪先生於

寧州潭西草堂臨別先生約明年春初會於昆

明至期先生家疫歿者十日九人先生以戊子

正月六日無疾而卒十八日昆明旅寓得訃嗟



乎五華別後音問詩歌往來不絕及此一別音  
問詩歌亦不可得矣豈不痛哉

疇昔相思二千里家見不難越山水而今相去咫尺閒  
有情不得通在死死死者十日便九人生者僅存一孫耳  
青山何日許埋骨歸去來兮雪山裏

七日又送衡塘

天雨流芳

天教五日歡今日人竟去但見飛鳥還行人何處住

答朱芳田思隱

雲中峙雪山雪上雲常住寄語思隱人從無採樵路

答楊蓉渚寄別詩



西江將久別相送不成詩  
企碧風騷地關山雨雪時  
我留殊恨恨君去亦遲遲  
各有情千種杯中酒未知

暮春

芍藥花開花事盡  
雨風更是惱游人  
十年萬里曾為客  
此地今朝忽暮春  
哭罷窮途詩有味  
愁來痛飲酒如神  
詩狂酒醉空豪氣  
一事無成白髮新

飲中贈朱麗川

君如醇醪醒者醉  
復如怪石醉者醒  
一醒一醉姑置之  
千里相逢百壺罄  
芳草又是一春綠  
色紅紫色花相映  
今日不飲須何時  
滿斟無語聽君令



紀夢

皎皎一峯雪蒼蒼萬樹松  
松深行不盡路斷隔溪鐘

寄黎木庵齋

待月五華山  
胡各歸去夢中還  
共君踏月山頭路

初夏同史澹初  
北軒

萬事無妨且  
後看山看水愁  
人先城南不遠好山水

北軒長日如小年  
清和景物獨幽靜  
榴紅蕉綠篁娟娟

發矍蒲劍想蛟避  
盤荷珠須蟻穿  
無煩無熱佛有界

忽晴忽陰天無權  
輕雷催雨正留客  
浮雲遮日偏露山

盪胸飲綠可樂處  
三亭  
俯看躡魚仰飛鳶  
瞻雲各亭情話



渴呼茗橫秋名堂玉笛吹神仙有材維楚君不愧陽春一

曲郢中傳九疑天高洞庭開山魃水怪流饞涎驪黃時

無造父御一官不家誰相憐君不見欄中文雀尾突若

階前唳鶴聲凄然

雨後坐月

雨洗一輪月照我庭軒天雨流芳濕如坐冰壺中不思故山雪故

山豈不思悠悠路阻絕

螺峰贈同游

樂山王方寸書卷豪老來著述身等高澹初史風流亦

才子千篇揮就不終朝麗川朱金一杯一日默鴛浦張



珩 一曲一花飄丹亭楊用世心耿耿年年赴北裘傲貂

嶰谷楊載奇方得海上能枯根發春苗于谷袁毓入

分筆鋒銳點畫雲霧騰龍蛟我獨塊然無一技螺峰頂

上惟逍遙

瓦蝨

數椽小瓦屋蝨儺頭肩讀書不終卷作文不終篇移

榻易尺地作惡亦復然蝨爾死抱瓦與人何涉焉瓦固

無氣血生物毒於人盡伐干霄木作板干萬閱又竭江

湖水造紙糊如天遂與天下眾居處永無患既喜得此

謀還笑囊無錢吁嗟杜老屋突兀成何年



芳流雨天



客中五月賣裘

樂行故不如苦住有客住苦行亦苦浮萍無地隨浪生  
 流星失天化石古衣裘五月奚足奇裘賣何至愁無衣  
 山中薜荔本<sub>可</sub>堪著水上芙蓉還可披况留紙帳補容易  
 不懼蚊雷震天地

游近華<sub>補</sub>次王樂山明府韻

十一年前路扁舟又此行天饒風雨意人感離合情野  
 曠將秋色城高送晚晴歸來一回首浦上白雲橫

移寓僧樓夜坐

暮心難復壯旅境易生悲况復秋風起僧樓獨坐時花



殘人盡去月皎影相隨豈不思親故飛蓬歲轉移

中秋

忽屆中秋節悲秋又是吾他鄉涼意重小閣旅情孤桂

馥聞金粟梨甜味雪映一輪明月滿且喜照清臞

對菊

相對已忘言相歡時有酒悠然一室中似與陶潛友

城南

城南山水好秋露景逾鮮獨到還雲處遙看去客船飛

鴻筇屐外落木嘯歌前夕照知人意餘輝暗復然

卽席送王蘅塘之建水



春草不同路秋風又別離此行惟一鴈其飲足干鴟東  
閣挑燈夜西堂得句時歸期及臘雪莫待寄梅枝

對梅寄馬西園太守

疑是揚州閣巡檐得笑頻行忘千里路坐對一枝春昨  
夜霜如雪終朝雨逕隔籬何當逢驛使折贈隴頭人

題張海門參軍齋壁

衙齋山上闢曉望霧冥冥霽日破寒野終朝坐翠屏風  
喧潮在樹梅放雪空庭不覺歲云暮常攤一卷經

讀查別駕夫婦同評韓詩讀本

查侯文章有內助鳳凰雙飛駕煙霧曾從靈鵲橋邊來



牛郎仰歎織女妍紛紛兒女不掛齒傾耳韓豪奏牙瓠  
大椎齊扣千石鐘噪蟬吟蛩草閒小漢魏以來杜卓絕  
嚮往鑽研亦無幾誰得骨髓誰皮毛獨拔鯨牙鬼神怖  
利觜長距何足數蛇牙龍劍望風附歐蘇後生喜尙友  
郊島當時苦進步雪山吾廬祕一卷披讀有時盪薇露  
恬吟密詠未覺迂偶一示客攢眉去千里遇君如遇韓  
相借不惜凡手汗朱墨陸離眩人目金針等閒世間度  
豈肯一時讀令盡惟恐早還失依據一瓶有例更破除  
何以報之賦長句

訪戴古村



幽人如野菊抱影對蒼苔有客清談去空齋煮茗來詩  
新多古意書富見通才安得結鄰住晨昏共麝煤

雪夜同梁蔚亭曹荅明兩明府黎木庵齏曹史澹

初少尉分韻得江字

我本雪山客不飲寒氣降去冬不見雪夢遶金沙江今  
宵快人意連榻圍明釭傾耳徑竹折催旬城鐘撞深埋  
馬耳尖淺見鴻川雙曉來賞梅處積素明綺窗

五老峰尋梅

一徑橫斜五老巔寒潭倒影曲欄邊梅花笑認風塵客  
不到山中已十年



懷孫雨帆明府

孫侯如海鶴刷羽立雞羣但飲滇南水常懷塞北雲三  
年杯酒共兩地寸心分默默生平事何時再見君

送沈湘浦遊臨安

才送春光去君今又遠行山隨流水曲路入暮雲平旅  
跡三年共詩懷五字清天雨流芳相思風雨夜吟咏各燈檠

昆明池吹笛

金沙江上雪樓子吹笛笛為侶幾萬里昆明樓船杳不見

金馬碧雞蒼翠裏笛聲初動月初生太華峰頭堪徙倚

對樹吟



笑彼平泉莊子孫不能守對此墻外樹居然我所有鳥  
鳴開春花蟬噪落秋柳好物盈世間何必盡入手聽我  
對樹吟勸君一杯酒

冬日和園留酌贈葉約軒

君來顧我三年前途遇不識失周旋我今訪君三年後

殷勤設醴開瓊筵陰天欲雪未即雪園梅百樹枝初妍

橘垂金丸竹裏玉水仙飄渺香風連爲我走邀我舊好

坐我石屏巖壑間囊裏累累出千首知君同癖難醫痊

勸君莫歎耳龍聾早聰聽額上徒贅然勸君莫恨男子跛

風波險處資同船高堂壽考天錫慶扶杖安客何其賢



如此樂事豈易得愧我子立無家還

沈節婦

黔有沈節婦氏汪章族偕老願不終鳳去凰獨宿堂

闈刺目寒家窮學財苦上無伯與叔下無子與女翁餬

口四方姑卧病一榻藥未嘗斷橐囊不使乏父事翁

翁歡母事姑姑喜是婦即是女是女不異子子卒姑相

從翁老婦愈孝為翁置二造心禱生育早誠遂格天地

孝亦承祖宗翁竟生男二浦亭門閭佳氣充當其無子

時翁姑謀慰婦欲以猶子子令婦作其母婦對翁姑言

翁可納良姬生兒兒生孫孫即婦之兒鄰里嘆婦賢親



戚重婦節議邀朝  
廷旌用愧世俗  
劣婦對親鄰  
言名譽非所寶  
夫死婦守節  
此事何足道  
翁為記其事  
其事子孫傳  
名公作佳傳  
鄙人賦新篇

和朱芳

秋見月

朱住城南

初更小雨二更情

月天雨更深百盞傾  
三載中秋吟不寐

一輪今夜影還清

鐘敲每斷還家夢  
露白時增憶舊情

安得城南與聯句

孟韓那恤世人驚

驥歎

龍潭地生千里足

龍潭水涸驚流俗  
村翁欲殺除不祥

村嫗獨憐賜奴僕

馱負糞土常劬勞  
渴不得泉飢不穀



古驥伏櫪思飛騰  
今驥垂頭欲顛匐  
飲之何吝水一斗  
飽之亦易芻一束  
三羸五駑爭奮驥  
金鞍玉勒厭梁粟  
嗚呼已矣復何言  
良伯樂今無存

遊仙

西風吹我去扁舟  
入蓬島歸來不計年  
但見青山老

戴古村遊蜀歸

落日五丁峽秋風  
入陣圖知君遊興極  
試問有詩無  
昨去不能送今歸聊  
共娛聯吟梅樹下  
顧影盡清臞

夢

夢竟是何物  
冥目何其多  
今宵矢不夢  
危坐降睡魔  
忽



省還是夢夢夢奈若何

戴古村招看海棠同祝梅岑楊質齋戴立堂

九龍池水生晴瀾邊一樹珊瑚攢紅影水底潛蛟駭

乘霞仙人驂鸞去年君去遊西蜀我亦卧疴花事殘

夢中似有美人至天雨流芳覺後恍惚窺妝難今年君歸我病愈

新逢好友同任攔嘉州昌州且莫誇西府貼梗誰更觀

將歸未歸月欲上題詩作記傾肺肝名花豈易客中見

更燒高燭風露寒

蟲聲

切切鳴無已悠悠恨有餘庭空人靜後樹碧月明初死



亦同羣物生何礙太虛偏醒  
遠行客意緒總紛如

夜

不覺閒庭晚陳編讀未休  
蟲聲三徑起月色萬端愁  
老至成孤客寒生著傲裘  
人間空擾擾吾自泛舟虛

春草

輕輕綠染高低屐  
細細香生折疊裙  
不管離人千里外  
窻前陌上盡含暎

戴古村晚翠軒

晚翠軒高春日靜  
東風暖放海棠花  
窻前自賞孤吟句  
門外曾來老作家  
謂劉寄庵先生  
深徑還栽蔣詡竹  
空園不種



邵平瓜何時結屋同朝夕攜酒猶堪泛釣艇

### 留客

不向屠門嚼山齋味有饌傾樽留舊雨帶露摘新蔬白  
髮頻看鏡開清只著書休言豪氣在一月食無魚

### 宿太華寺小樓

有客披雲至樓空夕照斜崇臺巖樹影曲徑石苔花月

上時聞鳥僧來更煮茶清談叢竹裏何必飯胡麻

不復憶秋風空山曾無暑小樓坐晚烟濁酒行同侶竹  
靜欲孤吟燈明還共語簫聲向夜深片月林梢佇

### 樓夜聽李遠亭吹簫



萬籟此俱息瓊簫不斷聲紅燈落花處白首倚樓情連榻人將寢空山雨乍晴朝朝寺僧報昨夜鳳凰鳴

雨中答倪梅夢明府西山詩

遊盡巖阿故壘還蕭齋尙與白雲眠空懷舊蹟秋風裏忽枉新吟晚雨前海天雨流芳上舟橫琴自古山中藥在客能仙勸君乘興登高去一覽羣巒小似拳

我有鳴鳳簫

我有鳴鳳簫入夜聲悲切欲吹竟不吹枕畔風蟬咽平明開戶望空堦滿落葉

客裏一輪月



客裏一輪月蕭然睡獨遲可憐故園影常向此間隨  
葉風三徑梅花雪一籬淒淒山館靜屣履欲何之

次韻答楊竹盦

新篇寄到日遲遲回首家山久別離  
柏石心腸依舊古烟雲態度逐人移  
中<sub>天雨流芳</sub>年鶴去常嗟獨晚景梅殘欲伴誰  
我亦衰頽頭髮落冠斜不待遠風吹

棄婦詞

朽瓜變爲魚腐麥作爲蝶  
昨日君愛妾蝶繡紅羅裙魚  
繡紫羅裙今日妾辭君麥腐  
不堪供瓜朽不堪給玉有  
瑕珠有類寄君詩請君誨



晚春張氏園次席上韻

多病年來嬾應酬  
佳山佳水負名流  
杯中老至常先醉  
座上詩成獨寫愁  
慈客花將開  
入夏留春雨  
忽冷逾秋  
相逢此地還相聚  
何必瀛洲十二樓

蓮花寺雪浪石歌

芳流雨天

蓮花寺壁嵌文石  
四時山水非人謀  
就中雪浪尤傑出  
奔騰誰挽江東流  
昔年挂帆數千里  
磯頭每見蹲龍蚪  
風波怒發失兩岸  
雪翻雪湧天地愁  
是時穩坐蓬窗下  
一聲長笛隨輕鷗  
此間宛然此景在  
使我高歌忘白頭

立秋日卧病寄劉默園觀察武昌



山城竟日雨風愁  
卧病書窗雪滿頭  
不見階前桐一葉  
已知天下樹皆秋  
從來熱客曾無厭  
豈有窮途得自由  
安得與君吹玉笛  
更招黃鶴上高樓

賦得織女同王雪軒

一面牛郎隔一年  
七襄機上恨綿綿  
天孫不及人間女

夜夜春閨壁月圓

秋日懷雪山

風淒雨冷暮鳴蟬  
忽憶家山雪皎然  
千仞孤峯還映月  
半巖松樹不知年  
紅塵自古難爲客  
白屋而今擬學仙  
記得同眠雲一片  
來時慘別玉河邊



三清閣題壁

去年此吟嘯風雨未成秋今日寒山霽深宵落葉稠月  
明僧掃榻露重客披裘共酌一罇酒論文信宿留

向曉雲停海濤風雨滿天舟從巖下待屋自霧中懸杖  
選臨窗竹詩驚面壁禪雪深期再至攜酒醉梅先

九日登五華山

天雨流芳

城中好晴景縱目五華巔不是登高日焉知望遠天四  
山秋色裏萬戶夕陽邊未得故園返黃花空自憐

憶故山牡丹

玉龍山下牡丹好雨寺烟村鬪綺羅朝露濃時聯騎往



春寒盡處飲香多  
昆池十載臨清影  
華嶺終年發浩歌  
何日龜田耕百畝  
滋蘭樹蕙老巖阿

夢雪山

別時一片雲  
寄在蒼松顛  
何事竟忘我  
不出山十年  
夜來夢見山  
且喜雲依然  
暫時一歡會  
愁深孤館眠

九龍池荷花

年年五六月  
龍池荷花紅  
可憐好香色  
相對白頭翁  
憶昔西湖上  
吹笛船中少年  
膽氣壯入破  
驚蛟龍而今  
偶行散便覺  
勞我躬安能  
折瑤草一服  
顏還童

九龍池



九龍池水又經秋閒向堤邊杖策游露冷不禁蓮瓣落  
風高無復柳絲柔終年未達家鄉信十載相忘旅況愁  
飄蕩何如歸去好寒潭在麗郡城西北待泛釣魚舟

尋寓舍未得感賦

孰謂九州大難容孤客天雨疏芳身秋花終日落白髮幾莖新滿  
院愁風雨長歌泣鬼神何時半禪榻心跡脫囂塵

移寓

秋風秋雨旅情孤一歲三遷境更殊作客難將書劍棄  
此間且住澤山臞琴囊硯匣愁飢鼠屋角窗棂厭網蛛  
待到處梅開滿樹與君相對日傾壺



訪山人

秋風乘興往數里入雲霞門外無人跡庭中有菊花便  
呼杯酒至共坐夕陽斜願與爲鄰住山中只兩家

莫芝庵請書至

又借奇書至何愁歲暮孤相歡宵作晝長與古爲徒徑  
竹含烟竦庭梅待雪敷天雨常來杯酒共不惜典衣沽

踏雪

碧雞金馬雪中客回首不見玉龍白古雪夢裏高千尋  
新雪眼前積一尺攜我沽酒瓶著我尋梅屐貂裘已敝  
鶴筆寒安得橫吹雪樓笛



訪嚴季膺賞梅

幾日不相見相思興未闌尋梅到苔逕先月坐花欄  
笛裏關山遠樽前歲月殘堪憐影俱瘦世路各艱難

旅寓

旅寓在深巷山城似遠村老梅開雪逕高卧閉柴門不

易琴書靜何妨市井喧相知還有月一夜照庭軒

新寓望西山

昆明城南池水白昆明城西山巖碧巖臨伏窟千年蛟  
水動凌雲萬株柏去年縱櫂隨輕鷗乘興吹笛坐危石  
而今病肺但高枕空有遊山玩水癖幸得高樓闕一牖



西山烟雨慰孤寂安知山外非雪山清風遠來快晨夕  
秋日泛舟近華浦登大觀樓宴飲得陽字

近浦秋風柳半黃輕帆不記幾回揚登樓王粲詩能賦  
對酒寬饒興益狂漲水浮天山色壯低雲著地樹陰涼  
歸舟那計嚴城鎖一路笙歌送夕陽

歲暮

歲暮幽居意若何蕭蕭落木考槃阿霜前竹瘦同殘菊  
雨後苔新似碧莎嗚鴉隨在鶻凌霄鸞鷺不聞多  
浮生最好江湖去一葉扁舟漁父歌

雨後鄉人至



颯颯秋風起天末瀟瀟雨歇古滇城浮雲千片散無著  
晴日一輪懸更清愁對青梧當逕落羞將白髮向人明  
君來且問龍山下萬樹喬松作麼生

窗中對五華山

人生知己難相遇

天雨流芳

址

一壑且依據不移跬步得五華

空勞千里萬里路昔遊五岳氣偏豪朝東暮西不肯住

歸來雪山服初服年年採藥隨樵呼無端興到遊昆明

屈指一紀髮垂素此山入城塵氣消風木四時滴清露

攜筇每上峰頂立長空落落雲飛去雲來雲去無定踪

青山不動客相晤



訪東村故人

春來遊興動携酒扣柴門  
綠竹開三徑桃花成一村  
翁閒談歲月兒戲逐鷄豚  
薄醉忘歸去盤桓落照昏

送昌雲菴慈二衲子遊鷄足山

送爾鷄山去多時不看出  
一身蕭寺卧何日片雲還石

色九霄上泉聲萬樹間  
若能遇迦葉道我老塵寰

除日新寓中作寄楊丹亭廣文

杖頭難得百錢遊  
曲巷移來事事幽  
徑底寒花朝雨惡

階前老樹晚風遒  
誰言有志同雲鶴  
不易忘機學海鷗

聞道揚雄多墨妙  
可曾今日送窮愁



邊存亦索題牧馬圖寫真

昔讀杜詠曹畫馬眼中十日無非騰驤磊落者今之圖  
有兩馬似曾見安知不是杜老所詠曹所寫一匹昂首  
花滿身一匹汗血赫如赭細審筋骨俱神駿豈肯金鞍  
玉韉馱妖冶惜哉世無伯樂九方臯但使公子放牧柳  
陰下公子露頭仰天坐天雨流芳心若有適容瀟灑楊花紛紛委  
滿地草色青青深沒踝待到秋風空千里一日踏盡大  
荒野倦遊老夫攜筇筇翻然大笑歸去也

乘醉至海源寺

醉不如泥飲不休提壺更上一岑樓崇巖點綴雲中樹



遠水浮沉海上鷗此際攜朋花欲語何年說法石低頭  
西山落照莫催客待賦新詩寺壁留

綠陰書巢

借得鄰家樹何愁暑氣侵攤書還靜坐階下一蟬吟

春日懷楊岍谷

十八年同遊五華中間小別亦興嗟此行後會知何處

鎮日相思對落花白首千篇曾脫手青壇一卷尙聲牙

片言遙贈君須記口毋論橋柚檣

夏日訪姚子卿司馬

文翁豈易化南來自古邊疆重異才冒瘴多年勞撫字



春初移榻葵向寺預寄普明禪友

塵勞幻疾髮星星欲借明窗讀一經已見寒城春有色  
遙知暖閣柳皆青淨名居士語還默白社高賢醉却醒  
自古空門大器物無嫌食氣帶羶腥

僧樓白壽

天雨流芳

皓首眞難得芳樽可滿斟滇池春日霽雪嶺白雲深欲  
得陶園菊時聞梵唄音浮生少壯老彈指去來今

夜歸林下聽琴

歸來一何晚明月照高林下有山中客能彈海上琴冥  
冥花色靜寂寂竹陰深難得共涼夜新篇相與吟



題方友石石芝園圖

芝園何處是景物最清新日涉已成趣門關可養真雲  
林隱啼鳥風水動響鱗相與竟遊賞徒為畫裏人

